



www.BibleForChildren.org


Mat 26



Ta pɔakwa fitik mku'
ka maga skala *Pak, ka
Lagha *Yesu da luwa Betani,
ma tsa luwa ta nzaku Lazar,
tsa mndu sli'aganap tsi
ma mtaku ya kay. Ka
klaftá Mari ta hwaraka urda sana
fu ta hgə lu ka Nar, nda bla dzva ni,
ka rita litər. Ka pghə tsi ta səla Yesu,
ka takadɔy nda swida ghəŋa ni. Ka vɛrtikanaftá
tsa urdi ya ta vli ma inda tsa hɛga ya.




Ka sli'aftá Zudas Iskaryut. Tsatsi ná, tekw mataba duhwalha ghwanpəɔf his, Ka laghu tsi da slanaghatá gwal dra skwi ŋa Lazglafta. « Dza'a vlaghuna vla yu ta *Yesu ma dzva ghuni, » ka'a nda hən. Tahula mnanata ni ta tsa gwada ya ta hən, ka rfu hən ta rfu.



« Dza'a vlagha vla anji ta tsemi guli, » ka hen
nda tsi. « Yaw, » ka Zudas. Tahula tsa
tama, ka navata Zudas ka psa
tvi dza'a kel tsi ka vlanga
Yesu ta hen.



Ka laghu duhwalha ni magata
manda va ya mnana Yesu ta hən.
Ka payaftá hən ta skwa zaya
skala Pak. Ta za skwa zay hən,
ka klafta *Yesu ta buradi. Tahula
rfanaghatani ta Lazglafta, ka
blanaptá tsi ka vlaŋtá duhwalha
ni. Ka'a mantsa:
« Zlghawazlgha ka
za kuni. Nana na
ná, slu'uvgha da
ya, » ka'a.



Ka klafta tsi ta leghwa ima inabi
guli. Tahula rfanaghatani ta
Lazglafta, ka vlaŋtá tsi ta hən.
Ka'a mantsa: « Sasa'awasasa
kaghuni demdem, kabga nana
na ná, usa da ya, usa slərba
zughu dza'a pghinṭa lu ŋa pla
dmakwa ndəghata mndu. »



« Simun! Simun! Nda sna ka ra? dawaf dawa halaway
ta mbraku na ktsida kaghuni manda hya ma dzelela.
Tsaw maga maga yu ta du'a ta gheja gha, kada kwala
zghay nda nudufa gha htuta dekddek. Badu vragaghuta
gha da i'i ya, ka mba ka ta zwana ma gha, » ka *Yesu.
« Mghama da, der dza'a tsamta ma gamak lu ta kagha,
der dza'a dzata
nda dza lu ta kagha,
nda fa vgha i'i na
dza'a mista gha, »
ka *Piyer nda tsi.



« Piyer! ka yu ta mnaghata ná, ma kɔ́aku vazak ka wahata gita'una ná, hkən sɛla dza'a mnata ka kazlay: Sna a yu ta na mndu na wu kə'a, » ka Yesu.



Ma va tsaya, ka bhadaghatá
i *Yesu nda duhwalha ni
da sana vli ta hgə lu
ka Getsemene. Ka'a
nda duhwalha ni
mantsa: « Nzawa nza
hadna ta lab yu da maga
du'a hada a, » ka'a. Ka'a
guli: « Aba, Da, had' skwi
kul lavintá ka ta magay
wa, klin' kla ta na gruma dza'a
yu say na! Nziya nza tsi tama,
manda ya ta kum i'i a wa,
ama ka nza tsi manda ya ta
kum kagha, » ka'a.



Ka hlanaftá la mali ta ghəŋa gwal dra skwi ŋa Lazglafta, nda la *Farisa ta sludziha, nda gwal ta ngha həga Lazglafta, ta Zudas. Ka sli'aftá həŋ nda huzla vulu nda huzla vulu, nda pelapela nda pelapela, nda pinatá vu nda pinatá vu. Ka lagha həŋ da tsa gam ya. Ka gi tsanamtá sani mataba taŋ ta kwalva mali ta ghəŋa gwal dra skwi ŋa Lazglafta, ka tsaghutá sləməŋa zeghwa ni. « Zlanwa zla prək tsa! » ka Yesu nda həŋ. Ka ksantá tsi ta sləməŋa tsa mndu ya, ka mbanaftha.



Tahula ksafta taŋ ta *Yesu, ka klaghatá hən̄ da həga ga mali ta ghəŋa gwal dra skwi ŋa Lazglafta. Ka sli'i *Piyer tahula taŋ tahula taŋ. Vanagha va lu ta vu ma takataka daba həga, ka lagha Piyer nzata ka slinay mataba gwal ta nzaku ta slinayslinay.



« Ngha a yu ta kagha kawadaga nda tsəna mndu na ma gam ra? » ka sani mataba kwalvaha tsa mali ta ghəŋa gwal dra skwi ŋa Lazglafta ya. Tsatsi ná, la taŋ ma tsa mndu tsanaghu Piyer ta sləməŋa ni ya, ya. « Siga yu, i'i a wu! » ka Piyer ka wadutá vli kay guli. Ka gi wahatá vazak. Ka saghu Piyer dzibil ka laghu hərbə taw.




Ka sli'aftá hən demdem, ka klaghatá
*Yesu da Pilat ta nzakway ka n̄umna.
Ka Pilat mantsa: « Kagha mghama la
*Yahuda ra? » ka'a dawanta da tsi.
« Manda tsa mna ka ya nzakwa ni, »
ka Yesu zlganaftá wa
ni. Ta kumay Pilat má ta
zliŋtá *Yesu, ka
gwadgəlganata tsi ta hən. Ka
hən mantsa: « Zlənaf zləŋa ta


udzu! Zlənaf zləŋa ta udzu! »
ka hən hlaftá wi.



Lagha Pilat ka vlanṭá hən̄ ta
Yesu ṅa zləṅafta ta udzu. Ka
tsu'uwaghutá hən̄ ka klaghata.
Ka klə *Yesu ta udzu ṅa zləṅa
ghəṅa ni, ka sabi ma huḍa luwa
ṅa dza'a da sana vli ta hgə lu ka
« vla ghudzifa ghəṅ. »
« Gwalgwata » ta hga lu ta tsa
vli ya nda gwada *Hebru.




Ma tsa vli ya zləŋafta həŋ ta Yesu ta
udzu. Ka zləŋanavatá həŋ ta
sanlaha ma mnduha his guli ta vata
Yesu, ma takataka ka
həŋ zləŋamtá Yesu.



Dək fitik ma ghəŋ, ka haftá skwi ta wa ira fitik, ka nutá vli ka grum ta inda tsa hadík ya, ha ka lagha ta fitik hawu. Ka tavaptá tsa zlala tamə lu ma həga Lazglafta ya tsəra' ma takataka.

Ka *Yesu mantsa: « Da! Ma dzva gha ta vlaghata yu ta hafa dá, » ka'a wahata nda lwi dagala. Tahula mnata ni ta tsa gwada ya, ka sabi hafu mida.



Ka lagha Yusufu mnda luwa Arimate.

Tsa mndu ya ná, ta mnay ta
tughwa gwadaha. Tsatsi guli

ná, ta kəzla ga mghama

Lazglafta. Ka draftá tsi

ta ɲuduf, ka lagha

slanaghatá Pilat ɲa

ɗawaftá tvi ɲa

dza'a kla mbla

Yesu.

Ka skwatá Yusufu
ta Iguta wupay, ka
klagata mbla Yesu ta
udza zləɲay, ka
mbsamta mida. Ka
klaftá tsi ka laghu famta
ma kulu huhrap lu ma
kluluh. Ka taɲwalaktá
mghama klam, ka hunɲa
ta wa tsa kulu ya.



Ga mahtsima ni, tahula fitika paya skwi
ña bađu *Sabat, ka sli'aftá la mali
ta ghəña gwal dra skwi
ña Lazglafta kawadaga
nda la *Farisa, ka laghu
slanaghatá Pilat. Ka
həñ nda tsi mantsa:
« Mghama da,
mamu sana skwi



havagagha ŋni. »




« Ka tsəna mnda tsakalawi na mnata ta ma nzakwa ni ta ndiri ná, "tahula fitik hkən dza'a sli'agap sli'a yu nda hafu," ka'a. Ka laghu hən da vla tsa kulu ya, ka nərzlaftá hən ta tsa klam ya, ka pghatá hən ta la sludzi ŋa nghay. »




Tahula luta *Sabat, wræk tgha badu
Demas, ka sli'afra i Mari makwa ta
Magdala nda tsa sana Mari ya
ka laghwi ta kulu. Gi ka
gigdavaftá hadik
katakata. Ka saha
duhwala Lazglafta
daga ta luwa, ka
tanwalaghutá tsa
klam ya,

ka nzafta tida.
Ka ghudzaku tsa
sludziha ta ngha
tsa kulu ya da
zlenj. Ka zlambutá
hənj manda gwal
nda rwa.




Ka tsa duhwala Lazglafta ya nda tsa
mi'aha ya mantsa: « Kaghuni, ma
zləŋ kaghuni ta zləŋ. Nda sna
yu kazlay: Tsa *Yesu si
zləŋaf lu ta udzu ya ta
zbə kuni kə'a. Ta had
hadna wa, sli'agap
sli'a ma mtaku
manda va ya si

mna tsi. Sawa
nghanatá vli si
hanana lu ba. »




Ka gi sli'afta tsa mi'aha ya ta kulu nda zləŋ
nda zləŋ, nda rfu nda rfu guli, ka laghu
nda hwaya nda hwaya mnay ŋa
duhwalha Yesu. Ka gi lagha Yesu
da guyaku nda həŋ. « Zguwa
tsa! » ka'a nda həŋ. Ka
gavadaghatá tsa mi'aha ya ta
vata ni, ka ŋaŋanata səlaha
ni, ka
tsəlbə



ta kəma ni.





Tahula tsa guli, ka maravatá tsi ta kəma duhwalha ni
ghwanpəð ndeŋ ta zə həŋ ta skwa zay. Ka
davanaghatá tsi ta həŋ: Nu kul zighaftá kuni ta gwada
tsa gwal ta nghanťá i'i ta sli'agapta ya, təŋ təŋa ghəŋa
ghuni, ka'a nda həŋ. Tahula mnanata Mgham *Yesu ta
tsa gwada ya ta həŋ, ka klaghatá Lazglafta ta luwa, ka
nzanatá tsi nda ga zeghwa ni.



Dvu dva Lazglafta ta ghəŋa hadik,
kəl tsi ka vlatá Zwaŋa ni turtuktuk,
dər wa ta zlgħafta, zwaduta a wu,
mutsaf mutsa ta hafu ŋa
kdekedzen.



Rum 3:23 Inda taŋ gaga hən ta dmaku trap tra hən ma
snaŋtá sgita Lazglafta.

Rum 6:23 Manda va tsaya ná, ka ta ga dmaku mndu,
nisəla ni ná mtaku ya. Ama skwi ka mbalay ta mutsu lu da
Lazglafta ná, hafu ŋa kdekeden ya ma ndi'atá vgha mu
nda *Yesu *Kristi Mghama mu.

Heb 9:27 Inda mnda səla ná, thanaftha lu ta mtuta ni
turtuktuk səla, tahula tsa ŋa tsanaghata Lazglafta ta guma.

Afi 2:8,9 Zđakatahuda ni tani kəl Lazglafta ka mbaghunafta
nda ma zlghafta ghuni ta Kristi. Mbaghunaf a ta ghəŋa vəl
magata ghuni ta skwiha dına dına wu, ka mbalay
mbaghunafta tsi. Mbaghunaf a Lazglafta ta ghəŋa vəl
magata ghuni ta sana slna wu, da ghərbə
mndu ta ghərbaku.



Rum 10:9,10 Ka mnaŋ mna ka nda wa gha kazlay: *Yesu ná, Mgham ya kə'a, zlg haf zlg ha ka guli ma ŋudufa gha kazlay: Sli'aganapsli'a Lazglafta ma mtaku kə'a, dza'a mbaku ka. Ma zlg hafta nda ŋuduf ta nuta lu ka mndu tdukwa ta wa ira Lazglafta. Ma mniginta nda ma wubisim guli ta mutsafta lu ta mbaku.

Yuh 3:16,17 « Dvu dva Lazglafta ta ghəŋa hadik, kəl tsi ka vlatá Zwaŋa ni turtuktuk, dər wa ta zlg hafta, zwaduta a wu, mutsaf mutsa ta hafu ŋa kdekedzen. Ghunaga a Lazglafta ta zwaŋa ni ŋa tsanaghatá guma ta mnduha ta ghəŋa hadik wu, ama ŋa mutsafta mnduha ma ghəŋa hadik ta mbaku nda ma tsatsi, kəl Lazglafta ka ghunagatá Zwaŋa ni ta ghəŋa hadik. »



1 Yu 5:11-13 Vlama vla Lazglafta ta hafu ɲa kɔ́ekedzenɲ.
Tsa hafu ya guli ná, nda ma zwaɲa ni Yesu ta mutsakwa
tsi. Mantsa ya ka Lazglafta mnamata. Mndu ta zlgħaftá
Zwaɲa Lazglafta, nda mutsa hafa ni. Mndu kul zlgħatá
Zwaɲa Lazglafta guli ná, mutsa a hafa ni wa. Vindaghunaf
vinda yu ta tsa skwiha ya, ɲa kaghuni gwal ta zlgħaftá
Zwaɲa Lazglafta, kada grafta kuni kazlay: Mutsaf mutsa
kuni ta hafu ɲa kɔ́ekedzenɲ kə'a.



Mat 26-28; Luk 22-24; Yuh 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Hdi Bible (xed) © Wycliffe Bible Translators, Inc. All rights reserved.

<https://live.bible.is/bible/XEDWYI/MAT/1>

©2026 Bible for Children, Inc.

www.M1914.org

www.bibleforchildren.org

